



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Vtrum beatitudinem, quam acceperunt in confirmatione stantes,
meruerunt per aliquam tunc appositam gratiam. G

urn:nbn:de:hbz:466:1-38829

stare possent, noluerūt quousq; gratia apponere-
tur: sicut alii perstiterunt, donec illis cadentibus
per superbiam eis gratia apposita est. Aperiē ergo
cadentium culpa in hoc deprehendi potest: quia
sine gratia nequirent proficere quam nondum
aceperant: per id tamen quod eis collatum erat
in creatione, poterant nō cadere, id est, stare: quia
nihil erat quod ad easum eos compelleret, sed sua
spontanea voluntate declinauerunt, quod si non
fecissent, quod datum est aliis, utique daretur &
istis.

Quod angeli in ipsa confirmatione beati fuerunt: sed v-
trum eam meruerint per gratiam tunc sibi datam
ambiguum est: de hoc enim diuersi diuer-
sa sentiunt.

G

Hic quæri solet: Vtrum in ipsa confirmatione
beati fuerint angeli: & an ipsam beatitudinem a-
liquo modo meruerint. Quod in ipsa confirma-
tione beati fuerint, plures contestantur auctori-
tates, & ideo pro constanti habendum est: Vtrum
vero per gratiam tunc sibi datam ipsam beatitu-
dinem meruerint, ambiguum est. Quibusdam e-
nim placet quod eam meruerint per gratiam,
quam in confirmatione perceperunt, simulque
in eis meritum & præmium fuisse dicunt: nec me-
ritum præcessisse præmium tempore sed causa. A-
liis autem videtur quod beatitudinē quam rece-
perunt in confirmatione per gratiam tunc appo-
nitam non meruerint, dicentes tunc non fuisse eis
collatam gratiam ad merendum, sed ad bene vi-
uendum: nec tunc eis datum esse bonum quo me-
rerentur, sed quo feliciter fruerentur. Quod au-
tem tunc in præmium acceperunt, per obsequia
nobis exhibita, ex Dei obedientia & reuerentia
mereri dicunt: & ita præmium præcessit me-
rita: & hoc mihi magis placere
fateor.

*Hic non te-
netur.*

V 5

QVOD